

鄧海濱著

世界書局印行

環遊二十九國記



目次

序	一一一
贅言	一一二
日本	一一〇
美洲五國	一七七
美利堅	一
墨西哥	二九
巴拿馬	三四
古巴	四四
加拿大	五九
法蘭西	一一九
瑞士	一二九

意大利……麻納哥……	一一三八
奧大利……	一一一〇
匈牙利……	一一一七
捷克斯拉夫……	一一一二
德意志……	一一一八
瑞典……挪威……丹麥……	一一一六
荷蘭……	一一一三
比利時……盧森堡……	一一一四
英吉利……	一一二〇
葡萄牙……西班牙……	一一二三
地中海東岸諸國——非洲——歸途……	一一〇〇
希臘……	一
土耳其……	一七

西里亞……………三四

巴力士登……………四二

埃及……………四六

印度……………七四

新加坡……………八二

安南……………八七

旅行意見……………一九

中西文人名地名對照表……………一六

附索引……………一一〇

匈牙利

七日遊匈牙利之布達佩斯國都。此都位於多瑙河 Danub 左右岸。以六橋聯合之。風景出自天然。河之左岸爲平原。人家櫛比。新城也。河之右岸多山陵。爲壯麗王宮。及史蹟。舊城也。此亦合二城而成。形勢有如蚌之開張。間於東西歐。故人民風俗習慣兼備之。綺麗有小巴黎之目。實結西歐繁華之局。過此以東。則帶亞洲俗矣。

此地希臘時旣建城。名其城爲多水。羅馬復以之爲殖民地。匈牙利卽匈奴。於十一世紀。由亞洲來居此城。時歐人以其鼻平面黃。眼小頰大。不類白種。復以其善戰而兇。詭爲魔鬼子孫。其立國一千餘年。前與奧地利聯合。歐戰後分而爲二。舊有土地一亡



萬餘方哩。人口二千餘萬。戰後所存土地。祇有三萬八千方哩。人口千二百萬。其政治始而共和。繼而共產。而復辟。現爲虛君專制。蓋政權皆操自執政荷綏之手。荷綏以力製造國會。既三次被舉爲執政矣。是日先遊其舊城之王宮。一部既爲政府辦事地。其一部則供遊覽。有一部乃爲王族所居。壯麗自無待言。其中跳舞廳之大。與其裝飾之麗。據導者云。歐洲實所罕見者。再遊一教堂。此教堂係匈牙利王受王冠之處。堂之偉大華麗。更不必論。堂外復有堡壘式之建築物。憑河而築。登其瞭望處。遙望隔河。閭閻撲地。有如編貝。嗣訪其大學校長。正擬赴國務會議。談來意後。約九日再晤。本日星期六也。告以九日

將赴捷克。乃曰明日雖星期當於十一時特相候也。

參觀國會。非常堂皇。據導者云。除英國外。規模宏偉。當推此。至一室。有風景畫五。導者曰。畫中河山。戰後被奪者四。今僅存一矣。會中分二院。參議院現二百二十人。任期五年。衆議院二百六十七人。任期二年。開員七人。可出席衆議院。故衆議院有開員席七。參議院則有十餘席。因匈王親臣亦得列席也。遊一廣場。場在國家交易所前。場中四方各有一新石像。係紀念四方失地者。蓋戰後匈牙利東割達郎西里瓦尼亞及匈牙利平原之一部於羅馬尼亞 Roumanie。西以白倫根一帶歸奧地利。南之巴拉特由民族自決。歸羅馬尼亞巨哥斯拉夫 Yougo Slavie。西南復以貝拉斯拉窩尼亞及哥羅地亞歸巨哥斯拉夫也。

參觀聖兒拉 Saint Gellart 旅館。係市所立者。館中有溫泉浴池數處。溫度不同。各視身體所宜浴之。另有溫泉熱氣室等。價亦較他旅館爲廉。至館名之由來。則紀念徇道教士聖兒拉者。

遊麻姑島 Margit Sziget。島在河中。以一橋通之。此島得名係由一王姑終身不嫁。就

島上教堂濟貧療病。人感其惠。尊爲聖麻姑。而島亦以其名名之也。島中有一小廟崇祀之。廟外短牆。有玻璃蓋一殘石。則係數年前掘地所得匈牙利來此最古之石。中有字。右一行。及左二行。尚可辨。字係直行。純類中國篆字。島中復有浴場咖啡館。游藝場。大餐館等。而島中樹木成蔭可愛。勝地也。

八日早遊公園。國外係其立國千年之華表及石刻。園因花木叢密。中有浴室。有咖啡館。浴室咖啡館。非匈牙利所獨而有。匈牙利却有特色。咖啡館之大。遊人之多。可勿論。而浴室幾等王宮。入其中當然有溫泉池。溫氣室。及特別浴室。此外更有修指處。修腳處。剪髮處。燙衣處。閱報處。寫信處。甚至餐館。咖啡館。宿舍。郵局均備。余滿擬一浴。卒不果。其後以次遊其動物園。美術館。動物園建不久。故式甚新。品物亦多。兼有水族。美術館各畫有宗教意味者不多。中有一部爲新式畫。石刻中常見有人面獸身者。此館之畫亦有之。

至午應匈都大學校長 Dr. Kunaov Erno 之約。至大學參觀。并談大學及匈牙利教育情形。據云此大學成立已三百年。係一教士所創。現雖由政府支撥財政。然校中一切事權

尙獨立。以董事會司其職。董事會之組織。即校長及各科科长。此校分四科。(一)法。(二)醫。(三)宗教。(四)哲學。校長由全校教授選舉。科長由各科教授選舉。均任期一年。校長并不連任。且須每年輪一科。如本年法科教授爲校長。明年則須輪選醫科教授也。全校學生六千人。法科約三千。哲學科千餘。醫科千餘。宗教不過百餘人耳。男女同校。惟女子不能習法科宗教科耳。此外尙有大學三。均國立。一係創自一八六七年。其餘二者均歐戰後新辦者。匈國教育制同德國。故哲學合文科理科爲一。

匈國教育全部。歐戰後均有大進步。小學固新增二千餘。教育經費。增至三倍。至教育經費增多之來源。則在戰後兵額被限。兵費移爲教育費也。余以奧國植物學院主任所言。兵額雖減。徵兵改爲募兵。費不甚減之言。詢之。則云募兵每兵每月不過四十匈幣。兵額只餘三萬有奇。溢費終不少也。

中學八年畢業。畢業考試。由中學自行之。與法國中學畢業由大學考試者不同。亦倣德國制也。中學畢業。可自由進大學。戰前中學畢業多進大學。及高等專門。今不然矣。中學分三種。一學拉丁希臘文者。一學拉丁及英文或法文者。一僅學希臘者。中學多

國立。雖有宗教及私立者。終不發達。

小學六年畢業。多歸地方自辦。從前強迫教育。由六歲至十二歲。本年起則增至十四歲矣。

詢其政黨情形。據云現保守黨最得勢。因王年輕。故行虛君制。由執政代行職權。閣員委任。亦由執政。名義上須由國會贊同。此外尚有社會民主黨等。然勢力甚小。若共產黨則匈人恨之刺骨。固不能任其存在也。

談後復言匈牙利人來自中國。此後國交應力團結。并介紹其大學之東方文學教授 Dr. Prohle Vilmos 相晤。因訪之於其家。其家中因星期。正家人團集。未便長談。彼乃約晚餐。并介紹其兄與其三女相晤。余以不便擾之也。轉約其至旅館共飯暢談。遂乘暇遊其附近山林。及登山陵。以望全城。復至麻姑廟前。囑錫三影其數年前掘得之古石字跡。至晚與東方教授飯於旅館。詢其中國與匈牙利之關係。據其所研究如何。則云夏商周匈人與漢人共中國也。秦築長城。始判爲二。此後仍有通婚。詢其至歐後有何事實尙與中國有關。則云匈牙利雖在西歷八百九十六年至此。然至十六世紀。鄉中文字尙直行。

與中國篆書大同小異。詢其是否如麻姑廟前牆上石中之字。則曰然。此外稱父爲阿爸。稱母爲阿娘。亦中國之舊音。并云土耳其亦有與中國音同者。如云聽爲聽。云凍爲凍之類。中世紀以前。其字亦直行者。至名姓之前後。匈牙利先姓後名。與歐洲各國先名後姓者不同。完全中國之舊也。嗣復言匈人欲明其來歷。故決定派伊赴中國調查。并敦國交。且在中國設學院派學生前往中國。同時并請中國派學生至匈國。使兩國明瞭以前同中國及血統關係。俾益親厚。復述其前此政府。派伊往土耳其聯絡情形。蓋匈人由亞洲西來。向爲白色人所嫉忌。歐戰以後。復與奧離。包圍之斯拉夫民族國家。如捷克羅馬尼亞巨哥等更倡大斯拉夫主義。結小協約以扼之。力求競存。思其同自東來之舊鄰。與二千年前之遠親。謀其團結。亦固其所。末後書『大學之道在明明德在親民』三句。復書一「新」字。詢親民有用新民之故。并對於三民主義有所質疑。至午夜始行。